

作鎮之初年仙苗居於紫極宮王待之甚厚又聞其嗜酒日以二榼餉之仙苗自云是河南緱氏族狀貌常如四十許人好養氣然莫知其甲子也

李鈞不餌陶琴無絃

高道傳道士李道盛與鄭遨羅隱之爲友遨種田隱之貨藥以自給道盛有釣魚術釣而不餌又能化石爲金遨嘗驗之信而不求俱好酒能詩善奕棋長嘯有大瓢云可辟寒暑置酒於其中經時味不壞日携就花木水石間一觴一詠嘗因酒酣聯句鄭曰一壺天上有名物兩箇世間無事人羅曰醉却隱之雲叟後不知何物是天真

道藏輯要

三洞羣仙錄

真

翼集四
XO13

晉隱逸傳陶潛字元亮性不解音唯蓄無弦琴一張每因朋酒之會則撫而和之但識琴中趣何勞弦上聲

炎皇鑽火封子隨煙

仙傳拾遺燕昭王卽位好神仙之道仙人甘需事之王行道旣久谷將子乘虛而集告於王曰西王母將降觀爾之所修示爾以靈元之要後一年王母果至與王遊燧林之下說炎皇鑽火之術燃綠桂膏以照夜忽有飛蛾啣火集王之宮得員邨沙珠結而爲珮登握日之臺得神鳥所啣洞光之珠以消煩暑自是王母三降於燕宮而昭王徇於攻取不能遵甘需澄清之旨王母亦不復至